

O GOVEDARESKORO CHHAVO

Sine akana ekh govedari, phuro. Ya, ma leski romni si but shukar. Ya, ma o chhavo si tsikno lake. Ov pomoginela pe dades.

Ekh zmeyos lel, chorel leske daya. Ingaldyas la but dur, ande pushtinyatse.

Ay, bersh pal bersh, o chhoo barilo leskoro. Ov phenla:

– Be, dade! Man day nanay li, be?

– Be, mo chho! Li te phukaav tuke, nashti pomagines mange. Pala li me tuke.

– A be, tu phukav mange, pala oy lesno si ibuti!

Ama o chhavo si but silno mursh.

– Dade! Ka zhas ande gav! Ka khides e lovyo, kate charavesa e govedan i ka dzhas ko maystoras, ko kovachi. Ka kidyaras mange ekh buzduvani.

Gelo lesko dat, khidindyas e love. Gelo ko maystoras, kerdyas ekh buzduvani. Lel les, zhala avri ki terasa, chhivla les naupre. „Pa-a-a!“ Pal i men chalaela les. Bangyola. Potaninela zhi katka. Loko si leske. Dzhala.

– Dade! Ka zhas, ka khides love vtorone bersheske. Posle ka platines.

Dzhala lesko dat, pasla swshto. Gelo, kergyas les o bozduvani. Gelo kiterasa. Pala chhivdyas upre. Loko si leske pala.

– Dade! Ka khides panda bresheskoro, trine breshengero!

Gelo, khidindyas. Kergyargyas o buzduvano. Gelo ki terasa, pala chhivdyas upre. Chalel les pala ki men. Potanindyas zhi katka. Phenla:

– Taman si be, dade!

Tidindyas.

– Dade! Akana mangav te des man hari love! Ka zhav te rodav me daya!

– Karig ka rodes te daya, mo chho?

– Oy si meri buki!

A kate gelgyas o zmeyos leske daya, kerdyas ekh brazna. Lulugya niknisayle. Sar phenla pes! Bosilyakos.

Tsidindyas. Bersh, duy, trin patuvinela. Dorestovache ekh phure romnya. Phuchlyas la.

– O, mo chho! Dur si but. Tu nashti arakhesa les. Ov si e-y-y, ande pushtinyachka.